



15. februar 2010

Inatsisartut suleriaasianni § 36 imm. 1 naapertorlugu Naalackersuisunut apequtit imaattut matumuuna saqqummiuppakka:

**Naalackersuisunut apequt:**

**Maniitsup eqqaani innani timmiaqarfinni qaqugu kisitseqqittoqassava?**

**Tungavilersuut:**

Nunatta pisuussutai uumassusillit atorluassagutsigit sapinngisarput malillugu uumasogatigiit assigiinngitsut amerlassusaat ilisimasariaqarparput. Aamma tassani soorunami pineqarput timmissat assigiinngitsut amerlassusaat, pingaartumik timmissat nerisarilluakkatsinnut ilaasut eqqarsaatigalugit.

Taateraaf Maniitsup eqqaani innanut piaqqiortartut upernaakkut martsimi apriilimilu takkuttartut tupinnaannartumik ukiorpaalunngulersuni kingullerni amerliartupiloorsimapput. Allaaf imatut amerlatigilersimapput innat najugannaavi mikivallaalerlutik innat allat aamma ilanngussorlugit najugarilersimallugit.

Siusinnerusukkut taateraaf upernaakkut martsimi apriilimilu nerisaalluartsimagaluartut uggornaraluartumik ullumikkut illigineqaannarlutik isiginnaaginnarneqartalernikuupput. Timmiarpassuit allat assigalugit taateraaf februaarip 28-ni piniqqusaajunnaartalernikuupput.

Nunatta pissarititaanik atorluaassagutta taateraaf piniagaasarneri sivitsortariaqarpoq isumaga malillugu apriilip 15-ata tungaanut. Timmiannugit taakkua imatut amerlatigilersimapput piniagaasarneri sivitsoraluarpalluunniit amerlassusimikkut ukiumiit ukiumut ikiliartornaviaratik.

Maniitsup eqqaani taateraaf amerliartupiloorsimaneri uppersiniallugu piffissanngorpoq kisitsinissaq, taateraaf kisiisa eqqarsaatiginagit kisiannili timmissat allat innani aamma piaqqiortartut eqqarsaatigalugit.

Qularinngilluinnarpara kisitsereernerup kingorna paasineqassasoq illersorneqarsinnaasoq taateraaf piniagaasarnerisa sivitsorneqarsinnaanera.

Karl Lyberth  
Siumut  
Inatsisartuni ilaasortaq